

01/2-50-1/12-03-2012

Bosna i Hercegovina
BRČKO DISTRIKT
Bosne i Hercegovine
VLADA BRČKO DISTRIKTA
Odjeljenje - Odjel za privredni razvoj,
sport i kulturu



Босна и Херцеговина
БРЧКО ДИСТРИКТ
Босне и Херцеговине
ВЛАДА БРЧКО ДИСТРИКТА
Одјељење - Одјел за привредни развој,
спорт и културу

Bulevar Mira 1. 76100 Brčko Distrikt BiH
Telefon: 049 220 289, 217 993. Faks: 049 220 289.

www.bdcentral.net

Булевар Мира 1. 76100 Брчко Дистрикт БиХ
Телефон: 049 220 289, 217 993. Факс: 049 220 289.

Broj predmeta: 48-000324/12
Broj akta: 13-0266PG-02/12
Datum, 27.2.2012. godine
Mjesto, Brčko

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 12-03-2012			
Organizaciona jedinica	Klasifikaciona oznaka	Redni broj	Broj priloga
01-	50-1-	15-20/	12

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM/PREDSTAVNIČKI DOM

PREDMET: Odgovor na poslaničku inicijativu gosp. Zijada Jagodića

Poslanik Zijad Jagodić na 20. sjednici predstavničkog doma Parlamentarne skupštine Bosne i Hercegovine održanoj 02. februara 2012. godine je Savjetu ministara BiH, Vladi Federacije BiH, Vladi Republike Srpske, Vladi Brčko Distrikta BiH i kantonalnim vladama FBiH uputio inicijativu slijedeće sadržine:

"Analizirajući najnovije službene-statističke podatke o uvozno-izvoznom bilansu koji je za 2 milijarde KM veći u odnosu na prethodnu godinu dovoljno jasno i alarmantno govori o neadekvatnom i neosmišljenom odnosu prema progresivnoj ekonomiji zemlje u cjelini, pri čemu je uvoz roba povećan sa 13,5 na 15,5 milijardi KM dok ukupno ostvaren izvoz iznosi oko 8,3 milijarde KM.

Stoga predlažem da država i entitetske te kantonalne vlade pod hitno poduzmu odlučnije mjere odnosno eventualne izmjene važećih propisa kako bi se ovaj odnos promijenio u korist BH ekonomije i urgentno pristupilo animiranju najširih masa nezaposlenog stanovništva za pokretanje samostalnog biznisa, te jačanje postojećeg uz:

- rasterećenje svih početnih obaveza, isključivo za nove obrtnike odnosno novoosnovana preduzeća (troškovi registracije, sve takse, oslobađanje poreza na dohodak u prve dvije godine),
- da se novoregistrovanim firmama i obrtnicima stave na raspolaganje određena finansijska sredstva Razvojne banke kao i iz drugih izvora(na primjer: u iznosu od 5.000,00 do 15.000,00 KM) za uplatu doprinosa odnosno nabavku opreme uz ravnomjernu ponudu po svim dijelovima zemlje, uz najniže moguće kamate ili bez i određeni grace period,
- da se značajnije kroz bezkamatne kredite podrže projekti koji zapošljavaju veći broj radnika ,
- da se maksimalno i prioritarno u svim opštinama prije svega podrže proizvodni programi kao i deficitarne djelatnosti te one oblasti koje su u strukturi uvoza najveće.

U ubjeđenju da su predložene mjere adekvatne i motivirajuće za BH društvo u ovakvim okolnostima pri čemu se ostvaruje najveća multiplikacija u odnosu na bilo koje drugo ulaganje ili ekonomski potez, navedeno bi moglo uticati na smanjenje uvoza za najmanje 1/3 od trenutnog, a koji iz godine u godinu ima trend porasta za oko 11-15%. U vezi navedenih prijedloga organizovati i najširu javnu raspravu sa Privrednim komorama, Obrtnim zadrugama, udruženjima privrednika koja bi potvrdila odgovore na date i slične inicijative".

Odgovor na poslaničku inicijativu je slijedeći:

Razmatrajući inicijativu upućenu od strane g-dina Jagodića, želimo iskazati naše veliko zadovoljstvo što smo u njoj prepoznali stimulativno okruženje koje već pruža Brčko distrikt Bosne i Hercegovine.

Naime, opredjeljenje za što brži ekonomski razvoj učinili su Brčko distrikt BiH u potpunosti pravno sigurnom i poslovno orijentisanom sredinom, koja je detaljno definisana setom zakona u potpunosti usklađenim sa zakonima EU. Naročito su precizno definisane mogućnosti investiranja, kako bi potencijalni investitori bili sigurni da neće imati nikakvih teškoća oko realizacije investicije. Ono što je karakteristično za Brčko distrikt BiH, a što ga izdvaja od drugih područja BiH, je primjena Zakona o podsticaju privrednog razvoja Brčko distrikta BiH koji je usvojen u aprilu 2006. godine i koji preduzećima i samostalnim preduzetnicima pruža brojne olakšice fiskalnog i nefiskalnog karaktera, kao što su: oslobođenja od taksi i naknada za uređenje građevinskog zemljišta, za isticanje firme, za osnivanje poslovnog subjekta, za priključenje na elektro-energetsku, vodovodnu i kanalizacionu mrežu, za dobijanje urbanističke saglasnosti i građevinske dozvole, investicije u nabavku osnovnih sredstava, do visine utvrđenog i uplaćenog poreza na dobit za godinu u kojoj je izvršena kupovina, itd. Već i sama činjenica da su cijene komunalnih usluga iste kao i za građane više je nego bitna olakšica za investitore, pošto se u nekim zemljama okruženja ove dvije grupe cijena znatno razlikuju i mogu predstavljati veliki trošak za jedno preduzeće. Ako se svemu ovome doda i činjenica da je porez na dobit i ostale vrste dohotka svega 10%, kao i jedinstvena stopa PDV u cijeloj BiH od 17%, onda je sigurno da je učinjeno sve da investiciona klima u Distriktu bude više nego povoljna. Postupak registracije preduzeća sprovodi se u sudu za svega 5 dana.

Značajan instrument podsticaja privrednom razvoju predstavlja Razvojno-garantni fond Brčko distrikta BiH (RGFBD) i njegov osnovni cilj je da podrži razvoj i jačanje sektora malih i srednjih preduzeća iz oblasti privrede u Brčko Distriktu BiH kroz omogućavanje pristupa odgovarajućim finansijskim sredstvima pod povoljnijim uslovima (kreditne garancije i subvencioniranje kamata).

Brčko distrikt BiH nudi izuzetne mogućnosti i za green field investiranje – formirane su dvije industrijske zone nadomak grada sa svim neophodnim instalacijama i infrastrukturom, kao i jedan poslovni inkubator. U okviru procesa privatizacije realizovane su kako green field tako i brown field investicije. Proces privatizacije u Brčko distriktu BiH jedan je od najuspješnijih u BiH i cijelom regionu. Privatizovano je 26 preduzeća, od ukupno 27, koja se nalaze na listi preduzeća predviđenih za privatizaciju.

U skladu sa Modelom za procjenu početne cijene nekretnine Metodologije o procjeni tržišne vrijednosti nekretnina u Brčko distriktu BiH, omogućeno je da se na osnovu utvrđene tržišne vrijednosti nekretnine, po zahtjevu naručioca procjene, vrši utvrđivanje početne cijene predmetne nekretnine radi provođenja postupka redovnog raspolaganja javnom imovinom putem javnog nadmetanja.

Za svrhu realizacije poslovnih inicijativa, početna cijena za svrhu javnog nadmetanja iznosi 10% od utvrđene tržišne vrijednosti nekretnine u skladu sa gore pomenutom Metodologijom.

Donošenjem Zakona o koncesijama Brčko distrikta BiH i Zakona o javno-privatnom partnerstvu Brčko distrikta omogućene su dodatne mogućnosti za podsticanje svih oblika razvoja u Brčko distriktu BiH.

S poštovanjem,

DOSTAVITI:

1. Naslov
2. Evidencija
3. Arhiva



ŠEF ODJELA
Pero Gudeljević, dipl.pravnik



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1747/11
Sarajevo, 9.3.2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 13-03-2012

Organizaciona jedinica	Klasifikaciona oznaka	Radni broj
01-	50-1-	15-20/12

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 3. sjednici održanoj 7.3.2012. godine, utvrdilo je Odgovor na zastupničko pitanje koje je postavio Zijad Jagodić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-1747/11
Sarajevo, 7.3.2012. godine

Zijad Jagodić, zastupnik u Zastupničkom domu Parlamentarne skupštine Bosne i Hercegovine, na 20. sjednici Zastupničkog doma, održanoj dana 02. februara 2012. godine, postavio je sljedeće poslaničko pitanje:

"Imajući u vidu odgovor koji sam dobio od Federalnog Ministarstva prometa i komunikacija na moju inicijativu da isto Ministarstvo poduzme sve što je neophodno kako bi se pomoglo u značajnijem prometovanju na aerodromima Tuzla i Mostar, postavljam pitanje Direkciji za civilno zrakoplovstvo Bosne i Hercegovine – šta je potrebno učiniti da se promet na navedenim aerodromima značajnije poveća i pokrene."

Na postavljeno zastupničko pitanje, Vijeće ministara Bosne i Hercegovine, u smislu člana 37. Zakona o Vijeću ministara Bosne i Hercegovine ("Službenik glasnik BiH", br. 30/03, 42/03, 81/06, 76/07, 81/07, 94/07 i 24/08)), na 3. sjednici održanoj 7. 3. 2012. godine, utvrdilo je sljedeći

ODGOVOR

Direkcija za civilno zrakoplovstvo Bosne i Hercegovine (BHDCA) je upravna organizacija u sastavu Ministarstva komunikacija i prometa Bosne i Hercegovine i na osnovu člana 5. Zakona o zrakoplovstvu Bosne i Hercegovine („Službeni glasnik BiH“ broj 39/09) nadležna je i odgovorna za obavljanje funkcije regulatora i nadzora u civilnom zrakoplovstvu i kontroli letenja, kao i, u skladu sa članom 15. Zakona, za izdavanja dozvola, te nema zakonske osnove i nadležnosti za, kako je navedeno u poslaničkom pitanju, pokretanje i povećanje prometa na aerodromima Tuzla i Mostar, kao i ostalim aerodromima u BiH.

Na osnovu člana 36. Zakona o zrakoplovstvu Bosne i Hercegovine, pravo i odgovornost za izgradnju i upravljanje aerodromima imaju institucije Republike Srpske i Federacije Bosne i Hercegovine. Prema ovome, aerodromi Tuzla i Mostar organizovani su kao javna preduzeća na nivou grada - Aerodrom Mostar, odnosno kantona – Aerodrom Tuzla, te posluju u skladu sa Zakonom o javnim preduzećima.

01/e -50-1

20-03-2012

**BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA/SREDNJOBOSANSKI
KANTON
VLADA KANTONA SREDIŠNJA BOSNA**

STRUČNA SLUŽBA VLADE KANTONA

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 22-03-2012			
Organizaciona jedinica	Procesionalna jedinica	Redni broj	Broj prijema
01-50-13		167/12	

Broj: 01-05-147/12-5-2
Travnik, 16. 3. 2012.

vezu: 01-50-1-15-20/12

**PARLAMENTARNA SKUPŠTINA
BOSNE I HERCEGOVINE**

Predmet: Zaključak Vlade Kantona Središnja Bosna – odgovor na zastupničku inicijativu
- dostavlja se -

U privitku akta dostavljamo vam Zaključak Vlade Kantona Središnja Bosna, broj: 01-05-147/12-5, od 9. 3. 2012. godine kao odgovor na inicijativu pokrenutu od strane zastupnika u Parlamentarnoj skupštini Bosne i Herecegovine, Zijada Jagodića.

S poštovanjem,



**TAJNIK VLADE KANTONA
Slavko Luketina, dipl. iur.**

Na osnovi člana 32. Zakona o Vladi Srednjobosanskog kantona (Službene novine Srednjobosanskog kantona, broj 5/03- prečišćeni tekst i 14/03), Vlada Srednjobosanskog kantona, na **10. sjednici**, održanoj 8. 3. 2012. godini, razmatrajući **Ad. 5. Utvrđivanje mišljenja na inicijativu zastupnika u Parlamentarnoj skupštini Bosne i Hercegovine, donosi**

ZAKLJUČAK

Vlada Kantona podržava pokrenutu inicijativu od strane zastupnika u Parlamentarnoj skupštini Bosne i Hercegovine, Zijada Jagodića, za izmjenu i dopunu zakonskih propisa u svrhu smanjenja debalansa u uvozno-izvoznom bilansu, te predlaže:

1. za mjeru rasterećenja svih početnih obveza za nove obrtnike i preduzeća u trajanju od dvije godine

Vlada predlaže: da se oslobađanje početnih obaveza vrši diferencirano, to jest, prerađivački sektor, osnivanje certificiranih laboratorija i servisnih radionica vezanih za prerađivače te značajni izvoznici bi, na primjer, imali osnivačke olakšice za početak djelatnosti, a ostali nebi bili u ovoj prioritetnoj skupini. Prioritetnu skupinu privrednih djelatnosti predlagali bi Privredne, Obrtničke i Vanjskotrgovinska komora sa udruženjima poslodavaca dok bi zakonski okvir po istom predlagalo resorno ministarstvo.

2. stavljanje na raspolaganje određenih sredstava Razvojne banke i drugih izvora

Vlada predlaže: Zadužuje se Stručna služba Vlade da po istom zatraži izjašnjenje resornog Ministarstva financija Kantona te Službe za zapošljavanje o istim mogućnostima.

3. podržavanje projekata sa većim brojem zaposlenih

Vlada predlaže: Da se razmatraju samo projekti koji imaju urednu izvedbenu dokumentaciju (investicioni program, tehnološki projekt, biznis plan obrta), rađenu od ovlaštenih kredibilnih organizacija, u svrhu praćenja ostvarenja projekta kroz karakteristične ekonomske pokazatelje i na temelju istog odobravanja i potvrđivanja povlastica.

4. da se u općinama podrže proizvodni programi, deficitarne djelatnosti i zamjena za oblast gdje je uvoz najveći

Vlada predlaže: o navedenom se treba tražiti mišljenje i saradnju općina s obzirom da neke imaju rađene strategije razvoja sa istaknutim prioritetima.

Broj:01-05-147/12-5
Travnik, 9. 3. 2012.



PREMIJER KANTONA
Tahir Lendo, dipl. ing.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-657/12
Sarajevo, 26.3.2012. godine

01/a -50-1

26-03-2012

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:		26-03-2012	
Organizaciona jedinica	Klasifikaciona oznaka	Redni broj	Broj priloga
01-50-1-15-20/12			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 4. sjednici održanoj 21.3.2012. godine, utvrdilo je Odgovor na zastupničko pitanje koje je postavio Zijad Jagodić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,


GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-657/12
Sarajevo, 21.3.2012. godine

___Zijad Jagodić___, poslanik u Predstavničkom domu Parlamentarne skupštine Bosne i Hercegovine, na 20 sjednici Predstavničkog doma održanog 02.02.2012. godine, postavio je sljedeće poslaničko pitanje:

"Imajući u vidu odgovor koji sam dobio od Federalnog Ministarstva prometa i komunikacija na moju inicijativu da isto Ministarstvo poduzme sve što je neophodno kako bi se pomoglo u značajnijem prometovanju na aerodromima Tuzla i Mostar, postavljam pitanje Direkciji za civilno vazduhoplovstvo BiH – šta je potrebno učiniti da se promet na navedenim aerodromima značajnije poveća i pokrene».

Na postavljeno pitanje, Savjet ministara Bosne i Hercegovine je na 4. sjednici održanoj 21. 3. 2012. godine, utvrdio sljedeći

ODGOVOR

Direkcija za civilno vazduhoplovstvo BiH (BHDCA) je upravna organizacija u sastavu Ministarstva komunikacija i transporta BiH i na osnovu člana 5. Zakona o vazduhoplovstvu BiH („Službeni glasnik BiH“ broj 39/09 od 19.05.2009.) nadležna je i odgovorna za obavljanje funkcije regulatora i nadzora u civilnom vazduhoplovstvu i kontroli letenja, kao i, u skladu sa članom 15. Zakona, za izdavanja dozvola, te nema Zakonske osnove i nadležnosti za, kako je navedeno u poslaničkom pitanju, pokretanje i povećanje prometa na aerodromima Tuzla i Mostar, kao i ostalim aerodromima u BiH.

Na osnovu člana 36. Zakona o vazduhoplovstvu BiH, pravo i odgovornost za izgradnju i upravljanje aerodromima imaju institucije entiteta BiH. Prema ovome, aerodromi Tuzla i Mostar organizovani su kao javna preduzeća na nivou grada - Aerodrom Mostar, odnosno kantona – Aerodrom Tuzla, te posluju u skladu sa Zakonom o javnim preduzećima.

Bosna i Hercegovina
Federacija Bosne i Hercegovine
Županija Posavska
Vlada
Broj:01-49-83-1/12
Orašje, 24.04.2012.god.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 26-04-2012

Organizaciona jedinica	Klasifikaciona oznaka	Redni broj	Broj priloga
		01-50-19-167/12	
		01-50-19-275/12	

BOSNA I HERCEGOVINA
PARLAMENTARNA SKUPŠTINA BIH
PREDSTAVNIČKI DOM
SARAJEVO

Predmet: Zaključci Vlade Županije Posavske, dostavljaju se,-
Sveza: Vaš akt br: 01/a-50-1-15-20/12 od 07.02.2012.g.i
Vaš akt br: 01/a-50-1-15-24/12 od 20.03.2012.g.

U privitku dopisa dostavljamo Vam Zaključke Vlade Županije Posavske broj: 01-49-43-2/12 i broj:01-49-83-2/12, koji su doneseni na 38. sjednici Vlade, a u svezi Poslaničkih inicijativa poslanika Zijada Jagodića u Predstavničkom domu Parlamentarne skupštine Bosne i Hercegovine postavljene na 20.(dvadesetj) i 24. (dvadesetčetvrtj) sjednici već spomenutog doma.

S poštovanjem

Prilog: kao u tekstu.

Predsjednik Vlade

mr.sc. Marijan Oršolić

Na temelju članka 18. Zakona o Vladi Županije Posavske („Narodne novine Županije Posavske“, broj: 1/96, 4/96, 8/00 i 2/07) Vlada Županije Posavske, na ____ sjednici održanoj dana 04.2012. godine, donosi:

ZAKLJUČAK

1. Vlada Županije Posavske, uobzirujući materiju koja je predmet „Inicijative“ izražava žaljenje što pomaci u gospodarstvu, kad je u pitanju zakonska legislativa, nisu učinjeni od početka, a to je **objavljivanje prečišćenog teksta „Zakona o gospodarskim društvima“** koji je objavljen u sljedećim brojevima glasila „Službene novine Federacije BiH): 23/99, 45/00, 2/02, 6/02, 29/03, 68/05, 91/07, 84/08, 7/09 i 63/10).
2. U potpunosti uvažavajući nove poslovne ideje, Vlada Županije Posavske smatra da je „rasterećenje svih početnih obaveza, isključivo za nove obrtnike, odnosno novoosnovana preduzeća (troškovi registracije, sve takse, oslobođanja poreza na dohodak prve dvije godine)“ može biti u uvjetima neusuglašene i „nedorečene“ zakonske legislative i različitih neprofesionalnih ponašanja, vrlo nepopularna mjera.
3. „Stavljanje na raspolaganje određenih finansijskih sredstava Razvojne banke kao i iz drugih izvora“ novoregistriranim firmama i obrtnicima, može se činiti samo onda kada se ocijeni da su budući programi „zdravi“, održivi i perspektivni na duži period, sa mogućnošću upošljavanja minimuma obiteljskog poduzetništva. Ova konstatacija Vlade Županije Posavske se odnosi i na inicijativu da se kroz „ beskamratne kredite podrže projekti koji zapošljavaju veći broj radnika.
4. Vlada Županije Posavske, smatra da se u situaciji kada se tek izrađuju pojedinačne sektorske strategije, sigurno je da su općine i županije/ kantoni „svijetli“ primjeri koji uz maksimalne napore podržavaju „proizvodne programe kao i deficitarne djelatnosti te one koje su u strukturi uvoza najveće“. Da li se može i više, to svaka lokalna zajednica može prepoznati kroz proračunska sredstva stavlajući ih u funkciju razvoja, kao i kroz otklanjanje niza administrativnih barijera ukoliko postoje. te stavlajući raspoložive resurse u funkciju razvoja.
U tom smislu je najznačajnija podrška gospodarstvu izgradnja sve moguće i potrebne infrastrukture: cestovna infrastruktura, elektro, komunalna, vodoopskrbna i druga infrastruktura). U vezi sa ovim posljednjim, Vlada Županije Posavske naglašava da je neophodna i neizostavna uloga viših nivoa vlasti i institucija koje upravljaju navedenom infrastrukturom.
5. U vezi sa dijelom „inicijative“ koji se odnosi na „smanjenje uvoza za najmanje 1/3 od trenutnog“ ističemo, da bez obzira na sve moguće posljedice uvoza, konkurentnost određenom proizvodu daje samo njegova kvaliteta. U tom smislu treba stvarati uvjete za proizvodnju što kvalitetnijeg domaćeg proizvoda, koji će biti kao takav prepoznat i imati prohodnost na tržištu. Finansijski poticaji tehnologijama i proizvodnji takvih proizvoda imaju svoj puni smisao.

6. Ovaj Zaključak stupa na snagu danom donošenja, a isti se dostavlja Zastupničkom domu Parlamentarne Skupštine Bosne i Hercegovine.

Bosna i Hercegovina
Federacija Bosne i Hercegovine
ŽUPANIJA POSAVSKA
V L A D A

Broj: 01-02-~~13~~-2/12.
Orašje, 24.04.2012.

PREDSJEDNIK VLADE


Marijan Oršolić, mr.sc.

Na temelju članka 18. Zakona o Vladi Županije Posavske („Narodne novine Županije Posavske“, broj: 1/96, 4/96, 8/00 i 2/07) Vlada Županije Posavske, na ___sjednici održanoj dana ___04.2012. godine, donosi:

ZAKLJUČAK

1. Vlada Županije Posavske, u potpunosti podržava inicijativu, da se u poduzećima u „državnom vlasništvu, a koja negativno posluju“, mandatni period članova upravnih i nadzornih odbora i uprava skraćuje, odnosno isti se obvezno smjenjuju i prije isteka mandata.
2. Vlada Županije Posavske predlaže da se odredbe o smjenama članova uprava, upravnih i nadzornih odbora poduzeća u državnom vlasništvu definiraju Zakonom o upravljanju državnim kapitalom u gospodarskim društvima u Federaciji BiH.
3. Ovaj Zaključak stupa na snagu danom donošenja, a isti se dostavlja Zastupničkom domu Parlamentarne Skupštine Bosne i Hercegovine.

Bosna i Hercegovina
Federacija Bosne i Hercegovine
ŽUPANIJA POSAVSKA
V L A D A

Broj: 01-02-43-2/12.
Orašje, 24. 04. 2012.

PREDSJEDNIK VLADE

Marijan Oršolić, mr.sc.

Bosna i Hercegovina
Federacija Bosne i Hercegovine

KANTON SARAJEVO
Stručna služba Vlade




01/e-50-1
26-04-2012
Bosnia and Herzegovina
Federation of Bosnia and Herzegovina

CANTON SARAJEVO
Professional Service of the Government

Broj: 16-49-91-43/12
Sarajevo, 23.03.2012. godine

FEDERACIJA BOSNE I HERCEGOVINE
PREDSTAVNIČKI DOM PARLAMENTA
FEDERACIJE BOSNE I HERCEGOVINE
SARAJEVO
N/R ZIJAD JAGODIĆ



Predmet: Dostava izjašnjenja.-
Veza Vaš akt broj: 01/a-50-1-15-20/12 od 07.02.2012. godine.

Zastupnik Zijad Jagodić je na 20. sjednici Predstavničkog doma Parlamentarne skupštine Bosne i Hercegovine održanoj 02.02.2012. godine uputio je inicijativu.

U prilogu Vam dostavljamo Izjašnjenje Ministarstva privrede Kantona Sarajevo, broj: 07-03-91-43/12 od 16.03.2012. godine, na inicijativu.

S poštovanjem



SEKRETAR
Tarik Humačkić
mr. sc. Tarik Humačkić

Dostaviti:

1. Naslovu
2. Evidencija
3. Arhiva



e-mail: vlada@ks.gov.ba; www.ks.gov.ba
Tel: + 387 (0) 33 562-074
Sarajevo, Reisa Džemaludina Čauševića 1





169

22.03.12.

276

Broj: 07-03- 91-43/12
Sarajevo, 16.03.2012. godine

KANTON SARAJEVO
STRUČNA SLUŽBA VLADE
n/r sekretara

PREDMET: Izjašnjenje
Veza: Vaš broj 16-49-91-43/12

U vezi sa inicijativom zastupnika Zijada Jagodića, datoj na sjednici Predstavničkog doma Parlamentarne skupštine Bosne i Hercegovine, održanoj 02.02.2012. godine, ovo Ministarstvo daje sljedeće izjašnjenje:

U cilju animiranja najširih masa nezaposlenog stanovništva za pokretanje samostalnog biznisa, te jačanju postojećeg, Vlada Kantona Sarajevo svake godine putem Javne ustanove «Služba za zapošljavanje Kantona Sarajevo» donosi Program mjera za podsticaj zapošljavanja i održavanja više stope zaposlenosti u Kantonu Sarajevo sa načinom i kriterijima za realizaciju.

Programom se definišu pojedinačne mjere, utvrđuju finansijska sredstva, te kriteriji i načini praćenja realizacije svake od predviđenih podsticajnih mjera, način objavljivanja javnih poziva, praćenje efekata, te druga pitanja od značaja za provođenje Programa.

Pojedinačne podsticajne mjere koje su se do sada realizovale i koje će se realizovati su:

1. Program javnih radova;
2. Program sufinansiranja i zapošljavanja osoba starijih od 40 godina;
3. Program zapošljavanja pripravnika VSS, VŠS, SSS i KV stručne spreme;
4. Program obuke nezaposlenih osoba za aktivno traženje zaposlenja;
5. Program obuke smozapošljavanja – poduzetništvo;
6. Program sufinansiranja zapošljavanja osoba sa invaliditetom;
7. Program zapošljavanja i zadržavanja mladih u BiH;
8. Program sufinansiranja zapošljavanja i samozapošljavanja žena;
9. Program sufinansiranja obuke, dokvalifikacije i prekvalifikacije.

Prema Zakonu o obrtu i srodnim djelatnostima «Službene novine Federacije BiH», broj 35/09) nadležnosti kantona su da propisuju odgovarajuće olakšice, koje će stimulisati očuvanje tradicionalnih i starih obrta i ojačati interes za njihovo obavljanje. Vlada Kantona Sarajevo je 2010. godine, u skladu sa ovim Zakonom i Uredbom o zaštiti tradicionalnih i starih zanata («Službene novine Federacije BiH», broj 66/09), donijela Uredbu o kriterijima i postupku za ostvarivanje prava na podsticajna sredstva za očuvanje i razvoj tradicionalnih i starih zanata – obrta («Službene novine Kantona Sarajevo», br. 15/10 i 29/11).



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Za provođenje ove Uredbe, svake godine Ministarstvo privrede planira u Budžetu Kantona Sarajevo finansijska sredstva u skladu sa mogućnostima, koja se putem Javnog poziva, dodjeljuju pojedinačno zanatlijama – obrtnicima. Na ovaj način Ministarstvo privrede donekle ublažava tešku situaciju u oblasti zanatstva i deficitarnih djelatnosti, te pomaže opstanku tradicionalnih i starih zanata – obrta.

Ministarstvo privrede je iz Budžeta Kantona Sarajevo kroz «Pozajmice preduzećima, pojedincima i mladim poduzetnicima», putem komercijalnih banaka plasiralo značajna finansijska sredstva u cilju zapošljavanja većeg broja radnika. Međutim, zbog nedostatka finansijskih sredstava u posljednje vrijeme pomenute bezkamratne pozajmice nisu mogle biti obezbjeđene.

Pitanja koja se odnose na rasterećenje svih početnih obaveza, isključivo za nove obrtnike odnosno novoosnovana preduzeća (troškovi registracije, sve takse, oslobađanje poreza na dohodak), nisu u nadležnosti Ministarstva privrede.

S poštovanjem,


MINISTAR
Dr Rusmir Sendić



Dostavljeno:

1. Naslovu
2. Evidencija
3. Arhiva



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

